

Теннадий
Юшков




МЕДВОДДА
СЁРНИ

Handwritten text in the top right corner, possibly a signature or date, appearing to be "1870" or similar.


Теннадий Юшков

МЕДВОДДАЗА СЁРНИ

Стихъяс



КОМИ КНИЖНОЇ ИЗДАТЕЛЬСТВО
СЫКТЫВКАР 1959



МЕНЫМ МУСАӦСЬ...

Меным мусаӦсь ю вылын гыяс,
Джуджыд турунӧд писькӧдчысь шор,
Парма весьтасын ыпъялысь кыа,
Небыд лун тӧвкӧд окасьысь кор.
Меным мусаӦсь гулыд веж ягъяс,
Еджыд чышъянӧн павкнитчӧм вой,
Муӧдз ӧшӧдчӧм сыръяса садъяс,
Асья лысвалӧн тӧралысь войт.
Меным мусаӦсь вадорса бияс,
Рытя енэж, код пасьтала лӧз.
Меным мусаӦсь гаддясьӧм кияс,
Ывла удж вылын гождъялӧм йӧз.

ПАРТИЯЛЫ

Выль олём паськөдіс тан борд,
И тыри парма сылөн горён.
Пось аттьö тэд, мый коми морт,
Ме абу öні «енмөн ёрём».

Быд төв Уралö ветлём дед,
А гортас нопсö вайлём кушён.
И аттьö, партияöй, тэд,
Мый ог төд, няньтём воыс кутшём.

Оз чусмась, югид менам нэм,
Көть чужлі нюрö вöйём сиктын.
И аттьö тэд, мый сывсьö мен,
Мый коми кывйён гижа стихъяс.

ВОРКУТА

Тан бушков төвбыд печкө лым,—
Кысь нетшкө, кытчө гартө-сукталө.
Тан муыс клёнакылө — кын
Да гожөм шөрын йи моз чукталө.

Но гөгөр зымвидзө копёр,
Составъяс гөгыльтчөны лунвылө.
А карыс бияс өзтас кор,
Сэк өшкамөшка быттьө му вылас;

И быттьө лун, а оз лок вой,
Көть эськө петөны нин кодзувъяс;
И быттьө кывзан мича мойд,
А помыссылөн көнкө водзын на.

ВИЧЧЫСЯМ ВОЙВЫЛӨ, ДРУГӨЙ!

Состө кө, другөй, пуджан —
Некытөн абу лёк.
Миян тан помтөм уджыс,
Миянө, другө, лок.
Көсьян кө — из шом перйы,
Көсьян кө — стрөит кар,
Сөмын мед вөлі нервыд
Крепыд да ачыл яр.
Эн эскы сылы, коді
Аддзө куш лым да няйт:
Кулитны сылөн мода,
Дженьыд кө лоө шайт.
Тулысыс тані өтнас,
Шуны кө, вештө во!
Он аддзыв весиг вөтнад
Татчөс кодь югыд вой!
Сьөлөмад биыс эм кө,
Сюрө и гөтыр тан.
Өткөн өд овны нэмтө
Абу жө шондібан!
Виччысьны тэнө мөдам,
Өдйөджык, другө, лок.
Абу кө полысь рөдысь,
Войвылын оз ло лёк!

ГАЖ ИЫЛЫСЬ

Быдсяма йöзыс олöны,
Быдöнлөн аслас кöр.
Кывлі ме, быттьö колö пö
Гаж вылö коръя вöр.
Лунвылын лöсьыд бöрйысьны,
Лунвылыд гажа, дерт.
Тундраын абу вöръясыд,
Шыльквидзö помтöм эрд.
Сідзкö нö, шуштöм татöні?
Буалö турöб куш?
Томлун оз некөн матöво,
Том сьөлöм абу руш.
Могъяс страналысь пöртігөн
Том йöзлөн чорыд ки:
Рытъяснас тундра пöртмасьö,
Пасьтала резсьö би.
Клубъясын гораа сьылöны,
Йöктöны мича вальс.
Овны код кужö, сылы тан
Томдырыс абу жаль.
Карын и быд посёлокын
Гажатор уна эм.
Ачыс мед волас, колökö,
Коді оз эскы мем.

* * *

Сьöd нитш да ва, да урöс пуяс,
Зэв паськыд зыбуч нюрлөн от.
Но трактор муркөдчөмөн уйö,
Дзик быттö ыджыд кодзувкот.

Кузь додь ас бöрсьыс сийö кыскö,
Додьтырыс груз, да ещö йöз.
А номйыс, номйыс петöм кыськö,
Кöть асьтö тшынас вылö öзт.

Тэ сьöвзян вомсьыд, зиньгö пеляд,
Кор колö, абу зэр ни төв!
Но некод, кывзан да, оз элясь,
Сидз, морт-мөд мурöстлас,— и чöv.

Страналы колö нефть зэв уна,
Страналы колö уна газ.
И том йöз корсьны найöс мунö,
И трактор уйö витөд час.

Сьöd нитш да ва, да урöс пуяс...
И доймö, доймö таысь син.
Ме тайö стихсö гижы туйын,
Эг помав, эг куж сетны ним.

ФЕЛЬДШЕР

Войшөр гөгөр ывла лёкмис.
Пожом пулысь йывсö нуис.
— Оз, ме чайта, сійö лок нин,—
Кодкö висьысь дорын шуис.

Кöсйим водны — кок шы кыліс
Коридорын сійö здукас.
Пырис фельдшер. Плащыс илөсь.

Шуйга кöмыс сёйны корö.
— Энö повзöй,— шуö,— другъяс,
Локті весьтас, усьлі шорö.

МЕ КӨ ХУДОЖНИКӨН ВӨЛІ

Сиа тракторист Николай Игнатовлы

Ме кө художникөн вөлі,
Рисуйті эськө сэк тэнө.
Ыб помын сулалан чөла,
Юр весьтад пыдөстөм енэж.

Шондыс югөрсө койө,
Эзысьтө чужөмсьыд буссө.
Сөнъясыд полътчөмны сояд,
Муош кыз лэптывлө мусө.

Тракторыд сулалө орччөн,
Вичмөма-й сылы удж пайыс:
Быттьөкө ньөжйөник сотчө,
Кельыдлөз ру сысянь кайө.

Гөрөмыс шыбитчө синмад,—
Сьөдвидзө ылыс вөр бердөдз.
Тадз эськө ассым картина
Вөчи да нимті ме: «Вердысь».

ПЕКЛА ТЬӨТКА

Квайтымынөд арөс тыртө Пекла тьөт,
Сы кодь зыксыйсь мортыд оз сюр сэсса мөд.
Правленньоын төрыт лэптис сэтшөм шум,
Кыкнан пельтө тупкы вөлі көть да мун.
Збыльвылассө эськө нинөм дзик эз ло,
Мукөд морт кө, гашкө, пиняс эз и во:
Скөтничайсь сійөс шуис вежны пред,
Пөрысь пө нин мортыс, шойччыштас пө мед.
Но, а Пекла тьөтка гөгөрвоөм сідз,
Бытьөкөнөсь сійөс сэтысь вөтлам ми.
«Кызь вит во пө шогми, эг пө вөвлы лёк,
Өні пө и тшыкси, өні пө и ог?
Мыйтакө өд нэмөн мырси жө нин ме.
Кокньөдіс пө мыйөн, сэсса пө и пет?
Видла на пө кутшөм,— сибөдөй көть эн,—
Электричествонас лысьтысьөмыс эм.
Кула пө, да вөлись менө вежад ті.
Мый нө,— шуө,— ланьтід?»
А мый шуам ми?!

ИЧӨТДЫРСЯЫСЬ

Кывзысьтөг жө көть ме олі,
Өтчюд мамө кинас воліс.
Кучкис меным сійө зырйөн.
Тайө вөлі война дырйи.
Силос гу ми кодйим сэки.
Гуджынсө ми кодйим регыд.
Сэсса купайтчыны мунім.
Миян уджаломыд вуні.
Дурим рытөдз, ваыс пуис.
Сэтчө мамөыд и суис.
Скөрла гөрдөдөма вирөн.
Сійө вөлі бригадирөн.
Йөзыд некытчө оз тырмы.
Но-а уджыс юр вывтырным.
И ме шеді мамө киө.
Ме жө аслас сылөн пиыс.
— Виа,— шуө,— талун лючки!—
Да кыз зырнас мышкө кучкис.
Уси ме да лёкысь бөрддзи,
Көть эз дорышнас, а мөрччис.
Мөдысь кучкөм вичча тадзи.
Видзөда да бөрдө ачыс,—
Ачыс мамө синва сорөн

Орччөн бөрдө меысь гора.
Коли сэсянь уна тулыс.
Лёк кыв мамлы эг на шулы.
Мед ме сөвми, сылөн пиыс,
Асьсө удзөдлывліс сійө.
Ковтасьыс мем вурліс дөрөм.
Қыз нө лёкавы та бөрын?
А мый кучкис коркө зырийөн,
Сійө вөлі война дырйи.

ЭЖВА Ю ВЕСЬТАСЫН ЕНЭЖЫС ЛӨЗ

Эжва ю весьтасын енэжыс лөз,
Тыр шепта вооны ыбъясын няньяс.
Татөні — өнөдз на төдоны йөз —
Лыйлісны белөйяс гөрд партизанөс.
Тшөктісны аслыс жө кодйыны гу, —
Шыбитіс көрт зырсө веж кустьяс костө.
Кытшовтіс синьяснас гөгөрбок му,
Косяліс дөрөмсө — морөссө восьтіс.
Гымөбтіс залп. Тшынсө ньылыштіс сөн.
Розьөдлөм морөсысь алөй вир петіс...
Чужан му шуд вөсна тышкасис зон,
Чужан му шуд вөсна олөмсө сетіс.
Эжва ю весьтасын енэжыс лөз,
Тыр шепта вооны ыбъясын няньяс.
Татөні — өнөдз на төдоны йөз —
Лыйлісны белөйяс гөрд партизанөс.

ПЕЧОРА ЙЫЛЫСЬ СЫЛАНКЫВ

Руд дзормём Уралсянь, кён гуляйтё ру,
Вой-саридзлань муткыльтё-визувтё ю....

И шуштёмось берегъяс, шогёдысь сер:
Тіль козъяса парма да мылькъяса эрд.

Ой, паськыд Печора, веж гыяса от!

Ой, съёкыда олёмсё кыскис тан морт!

Век скёралё войвыв, век важмозыс яр,
Но зырё нин пармаёс кыпёдчысь кар,
И кыакөд вензё Печоралён мич,
Кор веркёсыс чукёртас берегысь би.

Ой, паськыд Печора, веж гыяса от!

Ой, тышён тан мездлунсё шедёдіс морт!

Крут кыръясас уна зэв киссис сөдз вёр,
Зэв уналы, шуд перйиг, вичмис съод йир,
Но некор, дзик некор оз вунёдлы му
Да висътавны кутас, тан кымын эм гу.

Ой, паськыд Печора, веж гыяса от!

Ой, сөстём, збой съёлёма олё тан морт!

Яр дзирдалё шондіыс, енэжыс лёз,
Кузь туруна көджъясын пуктысьё йёз,
И лым еджыд чериён кыскёны тыв,
И юралё ю кузя чождь сыланкыв.

Ой, паськыд Печора, веж гыяса от!

Ой, мичаёс сыланкыв сылө тан морт!

М Е Д Ы М

Медым турун пөвстын лунтыр
Сылас чирк;
Медым тувсов дзоридз юас
Шонді дзирд;

Медым восьса өшинь дорын
Кургас кань;
Медым пызан вылын куйлас
Банйом нянь;

Медым көръяс ветланінө
Сувтас кар;
Медым төлысь дорті лэбас
Югыд шар;

Медым сё ар бөрын мортлөн.
Ворсас вир;
Медым му шар пасьта лоö —
М И Р!

СЕМӨ ЮКМӨС

Асыкалөм струбйыс
Некор абу сиптөс.
Волывлөны татчө
Бабаяс дзонь сиктысь.

Ветлысь-мунысь татчө
Сувтлывлө оз прөста:
Йи кодь ваыс кодзыд,
Зарава кодь сөстөм.

Муртса видзөдлөмысь
Юны вежыд петө!
...Юкмөссө пө, тайөс,
Вөчлөм Семө дедө.

Ставлы васө сетлөм,
Абу вөлөм колысь¹.
Та вөсна и нимыс
Кулөм бөрас олө.

¹ Колысь — горш, скуп.

ЭЖВАЛЫ

Эжва, Эжва, визув Эжва,
Коми парма юй!
Уна ёльлысь сөстөм васо
Саридзө тэ нуан.

Уджын лун-вой тэнад кольо,
Эбөссыд он петав.
Пуръяс кылөдан мыш вылад,
Мича чери сетан.

Тэнад кыркөтш йылын быдми,
Кольлі челядь вояс.
Муса нывкөд ветки пыжөн
Кывтлі тувсов войо.

Паськыдинө визув бөрыд
Мунны вежөй петліс.
Тайо шудыс меным уси,
Велөдчыны ветлі.

Төдөмлунъяс сета йӱзлы,
Да и кута водзӱ.
Аслам югыд оландырысь
Уджйӱза на водзын.

Кызди венісны лӱк врагӱс,
Нинӱмӱн он донъяв,
Волга вылысь, Енисейысь,
Эжва вожысь зонъяс.

Эжва, Эжва, визув Эжва,
Коми парма юбй!
Тӱнсьыд чӱскыд сӱстӱм ватӱ
Олӱм помӱдз юа.

МЕ КӨ ВӨЛІ

Ме кө вөлі ыбөн,
Сымда нянь ме чужті,
Быдөнлы мед трактор
Доддьөн өдва нюжтіс.

Ме кө вөлі юөн,
Эськө со мый кери:
Ветельö и тывйö
Сюйи уна чери.

Ме кө вөлі ягөн,
Енэжөдз код кайö,
Лыдтөм пөтка быдті,
Тырыс вотөс вайи.

Гашкө, и зэв тешкодь
Сёрни татшөм сяма.
Но өд йөзыс бурөсь,
Найөс радейта ме!

* * *

Узьмөдчысь вөр-ваыс лолалө арөн.
Радейтан ёльлань ме восьлала бара.
Кудриа тугана пожөмьяс тані.
Сяльөдчысь ёлыслы кайёны паныд.
Лысваыс на вылысь сикөтш моз киссьө,
Китыра розьяса пув сійён мыссьө.
Алькөс ёль берегын галяиз уна,
Дозмөр сэн кокасьө, ваткыльтө-мунө.
Кежа ме бокөджык: пельсь пу вөрө,
Биа гөрд пельсьён чөсмасьө йөра.
Пыркнитіс сюрьяснас, полөмсө веніс,
Лапнитіс пельяснас важ төдса менам.
Ог сійөс манит, а водзө ёль пөлөн
Восьлала сэтчань, көн чипсасьө сьөла.
Лунтыр ме ветла, көть кок йылысь уся,
Мудзөмыс тайө мен зэв жө нин муса.
Мортыс ме коми, а комиыд, төдад,
Кулас да вөлисти вөр-васьыд пөтас.

Р У Ч

Лёкысь пессьомён коли войыс.
Лымйыс гөгөрбок лои гөрд.
Сійö, вермис кö, эськö сёйис
Кокас лыödзыс пырöм кöрт.

Сöмын изсисны сэтчö пиньяс:
Чорыд капканлөн вöлі дор.
И сэк аддзисны места синъяс,
Кыті йирны эз вöв на сёр.

Сійö водіс да йирис гусьөн
Ачыс ассьыс жö кокчөр лы.
Сылы вөр-ваыс вöлі муса —
Весиг эз сетлы öти шы.

К О З

И вой төв куснявлӧ,
И кӧдзыд кынтывлӧ,
И мӧд пу дзескӧдӧ,
А быдмӧ веськыда.

ГОРТЫН

Челядьдырся другъяс,
Ставон танось ті.
Помнитанныд, кызди
Коркө быдмим ми?

Вадорсыд ог кайлөй,—
Кынөм сідзи пөт.
Сунласям быдногыс
Оти бөрся мөд.

Вотчынытө мунам,
Дурам, пестам би,
Пестерыд оз тыр да,
Улас пуктам нитш.

Нывъяскөд эг ворслөй,
Ворсысь — абу зон.
Кымынысь ми налысь
Пузувтлывлім чом.

Төвнад ог жө шогсьөй,
Лунтыр лоям лым.

Сап пемыдын пырам,
Гачыд — кер кодь кын.

Лёкысь видчö бабыд,
Кинас чуть оз во:
«Зимöгорысь, тэысь,
Морт öд оз жö ло!»

Öнi сöмын серам
Чужтö тайö грöз.
Али кодкö шуас,
Мый ми омöль йöз?

Таысь мисьтöм лöжыс
Эськö эз и сюр:
Уджын, гажын эгö
Янöдлö на юр.

КОРКӨЯ ПЫВСЫЛӨМ

Сотис жарыс. Но, а кыськө вывсянь
Тшөктисны на койыштны көш-мөд.
Таөдз век на мамөкөд ме пывси,
Велавтөмла төкөтё эг пөд.

Сөмын вөлі яндзим кызкө бөрдны,
Көдзыд ваа ведра корсис ки.
Мужикьяс жө швичөдчисны — гөрдөсь,
Быттьөкөнөсь пытшкөсаныс би.

Зато меным, гортө локтім кодыр,
Зонпоснияс завидьтисны дыр:
Вадор кырйөд кайим мужик котыр
Ньөжйөник сідз, варовитігтыр.

И мед өдийө гөгыльтчөны вояс,
Тайө некор паметъысь оз быр:
Тасянь верстьө быттьөкө ме лои,
Ньөтчуд эг нин өшөдлывлы ныр.

БАРА ВЫЛЬ КОРЪЯС

Бара выль коръяс
Кыр йылын кыдзлөн,
Томдырөс коркө
Коли ме кытчө,

Кытөні дзолльөн
Ужнайттөг ворслі,
Кысь менө мамө
Ньörtорйөн корсьліс,

Кытөні ыджыд
Сувтөдлім качай,
Кадрильөн эжа
Гумлаөдз швачким,

Кытөні өтчыд
Кыз сайө пышйи,
Киясын куті
Ныв юрысь чышъян.

Бара выль коръяс
Кыр йылын кыдзлөн,
Томдырөс коркө
Коли ме кытчө.

ПОМНИТА, КЫДЗ ШКОЛАӨ...

Помнита, кыдз школаө
Медбөръяысь волім ми,
Кыдзи сьылім-ветлөдлім,
Пырим асьявыв.
Көн тэ өні велөдчан,
Өшиньдорса партаысь
Гөгрөсіник чужөма,
Кузь көсаа ныв?

Тэкөд тыртөм классаным
Лыддысьны ми кольччывлім,
Вөлі гортө мунігөн
Пемыд ывла выв,
Кыдз тэ өні велөдчан,
Өшиньдорса партаысь
Гөгрөсіник чужөма,
Кузь көсаа ныв?

Физкультурнөй заланым
Субөтаө танцуйтлім,
Пельпом вылө небыда
Пуктывлін тэ сыв.
Кодкөд өні дружитан,

Ошиньдорса партаысь
Гӧгрӧсіник чужӧма,
Кузь кӧсаа ныв?

Гашкӧ, миян туйясным
Оз нин паныдасьлыны,
Гашкӧ, ог нин ӧтлаын
Сьывлӧй сьыланкыв?
Но ме тэнӧ ог вунӧд,
Ошиньдорса партаысь
Гӧгрӧсіник чужӧма,
Кузь кӧсаа ныв!

* * *

Часово пристань, Часово пристань!
Отитор юала, верман кӧ, висьтав!
Ва ямӧм бӧрас тэ, гашкӧ нӧ, кывлӧн
Гортас бӧр воӧмсӧ ӧти том нывлысь?
Йӧз костсьыс петӧгас аддзылӧн, гашкӧ:
Рудоват юрсиа, еджговат плаша?
Сийӧс кор колльӧдӧ тан гожа рытын,
Номъясысь чышъяннас тупкысьлӧм кыкӧн.
Мый нӧ тэ чӧв олан, нинӧм он висьтав?
Часово пристань, Часово пристань!

ВОЙВЫВ КОДЗУВ

Войвыв кодзув, югид кодзув,
Ылын-ылын օзъян тэ.
Сօмын лыдтօм кодзув письыс
օдйօ корся тэнօ ме.
Коми парма весьтын ломзян.
Гажօн пуօ кыркօтш йыв.
Сօмын частօ тэлань дзоргօ
Чօдлач синма օти ныв.
Кодыр сиктсьыным ме петі,
Шуим кыкнанным ми сэк:
Тэлань видзօдливны, медым
Лоим օтлаынօсь век.
Абу нылыс ёна мича,
Сьыліг гօлօснас оз босьт,
Сօмын сылօн сэтшօм сьօлօм,
Некысь шаньджыкօс он корсь.
Войвыв кодзув, югид кодзув,
Ылын-ылын օзъян тэ,
Сօмын лыдтօм кодзув письыс
օдйօ корся тэнօ ме.

* * *

Чөв олім, видзөдім ваө,
Бытгьөкө кывтөмөсь дзик.
Гортө эз мунсьы дай ставыс,
Матын көть тыдаліс сикт.

Сідз эг и лэптыв ме синмөс,
Өтчюд эг ыдждөдлы лов.
Пельпомыд пельпомө инмис,
Мен сэсся нинөм эз ков.

ВЫЛЬ ВО ПАНЫДА РЫТӨ

Выль во паныда рытө
Аддзи пёрвойысь тэнө.
Өні, лоа көть кытөн,
Сувтан син водзө меным.
Ыджыд сьөдоват синъяс,
Ру кодь ветласыд кокни...
Тэлань сьөлөмөй синіс,
Тэлань ыщөдіс локны.
Вөлі нылыс көть уна,
Тэнө танцуйтны кори,
И сөдз асыв кодь нюмыд
Менө век кежлө дорис.
Кодыр бергөдлі крута,
Горшын сибдывліс лолй:
Полі чорыда кутны,
Но и мынтөдны полі.
Мый пө, шуоны йөзыс,
Көсьян, ваяс тэд выль во.
А ме өтитор көсья,
Медым радейтөм збыльмис!

К Ö К

Көдзимө кор ид,
Көкис көкө-чойө.
Сийөс кыкөн ми
Кывзім тувсов войө.

Көкыс вөлі шань,
Висьтавліс, мый лоө:
Воас пө и нянь,
Свадьба миян воө.

Бура сөвмис ид,
Быдмис лунысь лунө.
Торъялім тай ми,
Зэв ылө тэ мунін.

Юөрт кывджын көть,
Кор мен мыччан китө.
А то ланьтіс көк:
Горшас йики сибдөм.

МӨДЛАПӨЛЫН ГУДӨК КЫЛӨ

Мөдлапөлын гудөк кылө,
Ливкнитлас да ланьтлас сутш.
А ме кывза керөс йылын:
«Оз-ө мянө нин вудж?»
Сөмын гудөк берег дорө
Лэччылас да косас бөр,
Быттьөкөнөсь ачыс корө,
Быттьө, ог локтөй да, скөр.
Коді бара сәні ворсө,
Өтнас пальөдө бур ун?
Мый сән берег дорсьыс корсьө,
Мыйла вөлөсьтас оз мун?
Асья вылөдз гудөк кылө,
Ливкнитлас да ланьтлас сутш.
А ме кывза керөс йылын:
«Оз-ө мян сиктө вудж?»

ТУНДРАСА СЫЛАНКЫВ

Мый нө, ныланöй, мекöд он сёрнит?
Мый нө, ныланöй, меысь бергöдчан?
Али, көр видзиг, пола көдзыдысь?—
Юрси гыöра, ветла куш юра.
Али войлысьны йöз моз ог сяммы?—
Сувта нарт вылö, суа көинöс.
Али гөлöсöй менам чирöма?—
Кута сывны кө, тундра кывзысьö.
Лоа, нылöй, век тэкöд öтлаын,
Мунан — войвылыс корсьны отсалас.
Юяс индасны, кытысь ва юан,
Вой төв шöпнитас, көни сывлывлан.
Көр мен петкөдлас, кутшöм көм новлан,
Кынь мен петкөдлас, кутшöм пась новлан.
Байдög висьталас, кызди сералан,
Сьöдбöж висьталас, кутшöм синъясыд.
А кор войвыным мяян пöртмасьö,
Биа рöмпöштан восьтас чужöмтö.
Лоа, нылöй, век тэкöд öтлаын,
Мунан — войвылыс корсьны отсалас.

ТУВСОВ ВОЙ

Тувсов вой, югыд вой,
Мый ме висьтала тэд;
Тувсов вой, югыд вой,
Меным узьны он сэт.

Сійö вöлі кö тан,
Кодöс радейтли ме,
Тувсов вой, югыд бан,
Вöлін колана сэк.

Важöн торъялим ми,
Коли уна нин во.
Ог тöд, көн сійö мый,
Весиг письмö оз во.

Гашкö, мусмис нин мöд
Сылы бокиас сэн.
Но ме бöрдны ог мöд,
Оз ков татшöмыд мен.

Олас сьöлöмын дой,
Некор ортсö оз пет.
Тувсов вой, югыд вой,
Меным унмовсьны сет.

ТЬОЩАПУ ОРДЫН

(В И С Ъ Т)

Скөр пө-й сылөн тыощаыс,—
Висьтавлөны, кывлан.
Сідз жө-й мамыс букшасьлө
Менам муса нывлөн.
Отчыд лэчыд синъяснас
Лэччис юрсянь кокөдз.
Сөмын сэки ме йылысь
Эз позь шуны лөкөс.
Төкөтыштө төді өд,
Код динө ме петі:
Премиальной костюмөс
Пасьталі ме сэки.
Лөсталис шөвк дөрөмөй
Югид-лөзов рөмөн,
Муртсаника вөрзөмысь
Дзуртіс кокын көмөй.
Кыз да мый да — юасьө
Менам лось тыоща,
А ме йөй моз висьтавла,
Бытьө кора прөша.
— Көнкө, шуө, юывлан,
Овывлө өд, сідз өд?

— Праздник лун кӧ, мися, дерт,
Ог жӧ йӧзлысь видзӧд.
— Кокныд, кӧнкӧ, ки вылад,
Косясьлывлан гортад?
— Эг на, мися, прӧстаысь
Чуньӧн зургыв мортӧс.
— Кӧнкӧ, овлин мӧдкӧд нин,
Сӧмын ӧнӧ соссян?
— Пӧръяся кӧ, шуа ме,
Кывйӧй медым косьмас!
— Но, а кутшӧм удж вылад?
Кызджык кутан асьтӧ?
— Йӧз нянь, мися, эг сӧйлы,
Новла асшӧр паськӧм.
Тьӧщапуйӧй, аддза ме,
Лигышмунӧс быдсӧн:
— Он ӧд тӧрмась некытчӧ,
Тан нин коллян рытсӧ?
— Кытчӧ, шуа, тӧрмасьныс?
Прӧст ме, мися, тарыт.
— Локтӧй, сӧдзкӧ, пыдиас,
Василей Макарыч!

МАМӨ, ТЭ НИНӨМ ОН ТӨД

— Войбыд тэ гуляйтан, нылөй,
Асылөдз некор он пыр.
Көсийи ме юавны тэнсьыд:
Тадзисө кыссяе на дыр?
Узьтөмөн гожөмыс коли.
Эн на мөй ветлөмсьыд пөт?
— Кыдз тэныд висьтавны, мамө?!
Мамө, тэ нинөм он төд!

— Куртны, ли сельпоө мунан,
Некытчө важнад он пет.
Мый могысь ковмөма, нылөй,
Прөстасө вөччыны тэд?
Муыс оз бергөдчы сыысь,
Кокад кө чөрөсыд съөд.
— Кыдз тэныд висьтавны, мамө?!
Мамө, тэ нинөм он төд!

— Кодкө лун удж вылысь локта,—
Сувтөдис катыдса зон.
«Кильчөтө лөсьода,— шуө,—
Оз пө ков некутшөм дон!»
Тэ али мый сийөс корин?
Корин кө, видны ог мөд.

— Кыдз тэныд висьтавыны, мамө?!
Мамө, тэ нинөм он төд!

— Төда ли, ог ли, а менө
Шензьөдө зэв татшөмтор.
Төдтөм морт кыдз тадзи вермас,
Некод кө сійөс эз кор?
Сусед кө, ещө на, шуам,
Либөнось вөлі кө рөд...

— Кыдз тэныд висьтавыны, мамө?!
Мамө, тэ нинөм он төд!

ПЕДЬӦ ДЕДӦ

ПедьӦ дедӦ некыдз
Керкаас оз пыр:
Пӧрысь синсӧ сылысь
Кыскӧ Эжва кыр.

Гажӧдчӧны кыръяс
Уна ныв да зон.
Дурліс сәні Педьӧ,
Кор на вӧлі том.

«Игнала ӧд,— шуӧ
Сылы Варук тьӧт.—
Ывла вылас узян,
Он кӧ кадсӧ тӧд.

Али кыськӧ бара
Юыштін, да код?»
— Дугды вай, эн зыньгы,
Пыр да ӧтнад вод.

— Мый нӧ эськӧ лоин?
Господи, дай морт!

Кызвыныс өд гуын,
Коді тэкөд сорт!

— Колөкө эн урсась,—
Шуө Педьө дед.—
Уна во на ковмас
Виччысьнытө тэд.

— Да өд он жө сэтчө
Йөктанінас мун?
— Босьта, да и муна.
Важөн вөлі дум!

— Мый нө эськө кутан
Вөчнысө тэ сэн?
— Этша өмөй нылыс?
Вичмас на и мен.

— Господи, дай енмөй!
Энө садьтө вошт?
Юрсиыд өд лысө,
Коз пу рой кодь тош?

— Тошкын өмөй сөмын
Мужик мортлөн чин?—
Гусьөникөн Педьө
Читкыртыштліс син.—

Медтө төлкыд вөлі,
Сьөлөм вөлі мед.
Нылыд бара сюрас,
Мый көть ме и дед.

— Да өд он жө ышты,
Абу на кө йөй,

Мыйла бара коркӧ
Эжваас эг вӧй?

Бӧрддзис Варук тьӧтка,
Синваыс оз сувт;
Кильчӧ вылас уси,
Эз кӧ Педьӧ кут:

— Мыйла нӧ ме муна,
Ноко думышт вай!?
Ещӧ, шуам, эг кӧ
Гуляйт ассым пай.

Аскӧдыд ӧд ветлі,
Он нин ӧмӧй тӧд?!
Да вот завидь босьтлӧ,
Гажӧдчӧ кор мӧд.

Бурасисны гозъя
Кильчӧ вылас сэк.
Сӧмын дыр эз унмовсь
Тавой Педьӧ дед.

КЫДЗИ МИНЯ ЁГОР ВАСЬКА КУВЛӨМА

Гожся рытö юөр
Разалис сикт пасьта:
Пывсигас пö кулөм
Миня Ёгор Васька.
Гузьгö-локтö йöзыс
Васька пывсян дорö.
Бабаяслөн сёрни
Кылö сэнi гора.
Некод оз лысьт пырны
Васька пывсян пытшкö,
Бытьö кулөм мортыс
Пуртөн найöс бытшкас.
— Луннас на öд давйын,—
Шуö öти,— чöвтис.
— Оз тай смертыд юав!—
Мöд сэн кылö лөвтö.—
Да... Колхозад некод
Сы мында эз уджав.
— Гöтырсö тай сöмын
Колис сизим душөн?!
— Көн нö эськö ачыс,
Марпаыс, мый керö?
— Со тай кöджас бёрдö,
Ставнас лыа сера.
Сьөлөмыд öд потö,
Думыштны кö бура.

Кысь нӧ ӧнӧ батъыс
Челядыслы сюрас?!
Юлывлӧ кӧть вӧлі
(Таысь, дерт, он ошкы),
Мукӧд мозыс Васьыд
Садьсӧ эз ӧд воштыв.
Деньганад кор вӧлі
Карад арнас каяс,
Челядыслы век нин
Гӧстинечтӧ ваяс.—
Пывсян ӧшинь дорӧ
Быдӧн корсьӧ места:
— Аддзан, сваття, кийс
Весигтӧнӧсь креста.
Бытьӧкӧнӧсь водзвыв
Кулӧмсӧ нин тӧдӧм.
Прӧста меным эз на
Усьлы Васыс вӧтӧн.
— Висьтав инӧсь, сідзкӧ,
Кызди-мыйджык вӧлі?
— Бытьӧкӧнӧсь Васыс
Сьӧд вӧв вылӧ сӧлӧм.
Эз и кежав гортас,
Мир туй кузя лӧбӧ.
Еджыд каленкорӧн
Чужӧмбансӧ дзебӧ.
Марпаыслы тайӧс
Висьтавны век полӧ.
Мед нин, мися, лӧксӧ
Думайттӧгыс олӧ.—
Пывсян пӧлӧн йӧзыс
Ветлӧ водзӧ-бӧрӧ.
Друг кызд ӧти баба
Шуис: «Васьыд вӧрӧ!»
— Бласлӧ Христос! Мый тэ,

Нинөмторсө сөран?
— Ой-я жө да! Видзөд.
Збыльысь, тай нө, вөрө!
Татшөмторъяд көсьян,
Да он эскы пырсө.—
Пывсян өшинь дорө
Быдөн суйө нырсө.
Сэссия быттьө кодкө
Бабаясөс чушкис,
Гызьмуніны ставөн,
Коді кытчө кужис.
Бабаясыд найө
Сёрни вылад збойось.
Пемыдджык кө рытыд,
Понөль найөс сөйө.
Өти тьөтка весиг
Қайис матыс кыддзө,
Қодыр юрсө Васька
Өшинь весьтө мыччис.
Век на петө серам:
Мый сэк вөчсис-керсис!
Но да тырмас сэссия,
А то лоө нерсьөм.
Сөмын ещө содта
Кыв-мөд Васька йылысь,
Қыз-мый бөрсө ловзин?
Юавлі ме сылысь.
— Радейта ме жартө
Сетны,— шуө сийө.—
Мудзөмөйла бөрас
Плеть моз өшгяс кийй.
Сө во, гашкө, ола.
Муркөдчө на сьөлөм.
Но, а сэки,— шуө,—
Унмовссьөма вөлөм.

СЕМӨ ВАНЬ

Вөлі кайө Семө Вань
Вадор керөс паньд.
Аддзө: өзим ййрө чань,
Орччөн йирсьө мамыс.

Ваньө мудзтысьны эз мөд,
Аслас туйөд кайис:
— А, колхозьд оз на өд
Рөзөритчы таьсь!

Содтис воськов Семө Вань,
Өдийө гортас воис.
Аддзө: зэрөм водзын кань
Өзим сылысь сөйө.

Ваньө пузис, ставнас дон,
Босьтис корөг, горзө:
— Ноко, стерво, брысян он!
Этййө кө торсө...

Эз мун дзик пыр коньөр кань,
Да и шеді бура:
Лыйис сылы Семө Вань
Веськыда дзик юрас.

ДАРЬЯ ТЬӨТКА

- Дарья тьөтка, кытчө ветлін?
— Пувтор вузалі.
— Мыйкө тай нө синмыд гырдось?
— Бөрді кузяла.
— Эз өмөй нө пувйыд инась?
Али воштысин?
— Базар тырыс вайөмаөсь,
Абу босьтысьыс.
— Уджалан кө, бурджык лоө.
Ветлы йиасьны.
— Чөв нин, пиөй: уджавсьөма
Ме кодь кияснад!
— Мыйта верман. Оз өд тшөкты.
Некод унасө.
— Эн нин терпенньөысь петкөд,
Лэдз вай муннысө.

* * *

- Дарья тьөтка, кытчө мөдін?
Оз и видзөдлы!
— Кытчө мөді, сэтчөдз делө
Тэныд ичөт зэв!
— Да өд пувнад этша олан,
Дугды вузасьныд.
— Сир пинь горшад, грекөвөйлы!
Дыр-ө урсасян?!

ОГЛАВЛЕНИЕ

Меным мусаёсь	3
Партиялы	4
Воркута	5
Виччысям войвылө, другой	6
Гаж йылысь	7
Сьод нитш да ва да урөс пуяс	8
Фельдшер	9
Ме кө художникөн вөлі	10
Пекла тьотка	11
Ичөтдырсяысь	12
Эжва ю весьтасын енэжыс лөз	14
Печора йылысь сыланкыв	15
Медым	16
Семö юкмөс	17
Эжвалы	18
Ме кө вөлі	20
Узьмөдчысь вөр-ваыс	21
Руч	22

Коз	23
Гортын	24
Коркӧя пывсӧылӧм	26
Бара выль коръяс	27
Помнита, кыз школаӧ	28
Часово пристань	30
Войвыв кодзув	31
Чӧв олім	32
Выль во паныда рытӧ	33
Кӧк	34
Мӧдлапӧлын гудӧк кылӧ	35
Тундраса сӧыланкыв	36
Тувсов вой	37
Тӧщӧпу ордын	38
Мамӧ, тӧ нинӧм он тӧд	40
Педьӧ дедӧ	42
Кыззи Миня Ёгор Васька кувлӧма	45
Семӧ Вань	48
Дарья тӧтӧка	49

Г. Юшков

ПЕРВЫЙ РАЗГОВОР

Стихи

на коми языке

Обложка С. А. Холопова

Редактор *С. Морозов* Техн. редактор *И. Цивунин*

Сдано в набор 11/V-1959 г. Подписано к печати
29/VII-1959 г. Формат $70 \times 92 \frac{1}{32} = 0,8$ бум. лист. = 2,04
печ. лист. (Уч.-изд. л. 1,38). Тираж 2000. Заказ № 1890.
Ц01753. Коми книжное издательство. Дом печати.
Цена 1 руб. 30 коп.

г. Сыктывкар, Республиканская типография
Полиграфиздата Министерства культуры Коми АССР

3

1 ш. 30 к.

С 1/1-1961 года
Цена — р. 3 к.

КОМИ КНИЖНОЙ ИЗДАТЕЛЬСТВО

1959